



Үстағалиева Алтын Опағалиқызы (29.06.1966 ж.) – Аймақтық Менеджмент Академиясының профессоры.

Қазіргі кезде «Орлеу» Біліктілік арттыру ұлттық орталығы АҚ филиалы Жамбыл облысы бойынша педагог қызметкерлердің біліктілігін арттыру институтында Денгейлік бағдарламалар орталығының тренері.

1983 жылы Батыс Қазақстан облысы Сырым ауданының Аралтобе орта мектебін үздік аяқтаған.

1983-1988 жж. С.М.Киров атындағы Қазақ мемлекеттік университетінің Филология факультетінде оқып, 1988 жылы осы оқу орнын «Қазақ тілі мен әдебиеті» мамандығы бойынша бітіріп, «Филолог, қазақ тілі мен әдебиетінің оқытушысы» біліктілігін алды.

1988-1995 жж. Ш.Уәлиханов атындағы Қокшетау педагогикалық институтының Қазақ тілі кафедрасының оқытушысы, «Қазақ тілі және оқыту әдістемесі» кафедрасының аға оқытушысы болып қызмет атқарды.

2001-2010 жж. К.А.Ясауи атындағы Халықаралық қазақ-түрік университеті Тараз институтының «Қазақ тілі» кафедрасында аға оқытушы болып жұмыс істеді.

2010-2012 жж. Тараз инновациялық-гуманитарлық университеті Филология кафедрасының аға оқытушысы қызметін атқарды.

2012-2013 жж. «Орлеу» Біліктілік арттыру Ұлттық орталығы АҚ филиалы Жамбыл облысы бойынша педагог қызметкерлердің біліктілігін арттыру институтының «Инновациялық технологиялар және жаратылыстану-гуманитарлық пәндерді оқыту әдістемесі» кафедрасының аға оқытушысы болып жұмыс істеді.

2013 жылы Астана қаласында «Назарбаев Зияткерлік мектептері» Дербес білім беру ұйымының Педагогикалық шеберлік орталығы және Кембридж университеті ғалымдарымен әріптестікте дайындалған Педагог қызметкерлердің біліктілігін арттырудың деңгейлі бағдарламалары аясында тренерлерді оқыту курсы аяқтап, үшінші (базалық) деңгей бағдарламасы бойынша тренер сертификатына ие болды.

Қазіргі кезде «Орлеу» Біліктілік арттыру ұлттық орталығы АҚ филиалы Жамбыл облысы бойынша педагог қызметкерлердің біліктілігін арттыру институтында Кембридж бағдарламасы бойынша мұғалімдер біліктілігін арттырудың үшінші деңгейлі курстарын оқытатын Деңгейлік бағдарламалар орталығының тренері қызметін атқарады.

Жоғары оқу орындарында және педагог қызметкерлердің біліктілігін арттыру саласында жұмыс істеген мерзім ішінде 7 оқу құралын шығарып, 14 әдістемелік нұсқаулықтары мен 28 ғылыми мақалалары жарияланған, «Қазіргі қазақ тілінің синтаксисі» атты электронды оқулықтың авторы. Жоғары білікті филолог маман ғылыми және педагогикалық саладағы зерттеу еңбектерімен қатар, қазақ және орыс тілдерін жетік меңгерген білікті аудармашы ретінде танылды.

2013 жылы көп жылдық ғылыми-педагогикалық қызметі үшін өз ісіне аса жауапкершілікпен қарайтын еңбеккер ұстаз және білікті филолог ретінде Аймақтық Менеджмент Академиясының қауымдастырылған профессор академиялық лауазымына ұсынылған.

2014 жылы Аймақтық Менеджмент Академиясының профессоры атағы берілді.

